

Në bazë të nenit 22, të Statutit të Federatës së Çiklizmit të Kosovës, në mbledhjen e kuvendit të FÇK të mbajtur më 19.11.2022 nxjerr:

Rregullore e Kuvendit të Përgjithshëm të Federatës së Çiklizmit të Kosovës

Prishtinë 19.11.2022

DISPOZITA TË PËRGJITHSHËM

NENI 1

FUSHA E ZBATIMI

1.Kjo Rregullore është e zbatueshme për Kuvendin e Përgjithshëm të FÇK dhe për zgjedhjet e anëtarëve të Bordit dhe komisioneve siç përcaktohet në Statutin e FÇK.

NENI 2

PARIMET DHE DETYRIMET

1. Kjo Rregullore synon të sigurojë një zhvillim të qetë dhe korrekt të Kuvendit të Përgjithshëm të FÇK -së duke mbrojtur detyrimet e të gjitha palëve të përfshira.
- 2.Parimet e Përgjithshëm të qeverisjes së mirë, të tilla si ndarja e pushteteve, pavarësia, transparenca dhe detyrimi për të shmangur situatat e konfliktit të interesit do të respektohen pa përjashtim përgjatë gjithë procesit zgjedhor ose të Kuvendit.
3. Ndikimi i padrejtë nga palët e treta në procesin zgjedhor është i ndaluar. FÇK informon menjëherë UCI dhe UEC për çdo ndikim të padrejtë nga palët e treta në procesin zgjedhor.
4. FÇK siguron që çdo proces zgjedhor i organeve në varësi të saj është në përputhje me dispozitat e kësaj Rregullore, me Statutin e FÇK -s.
5. FÇK, të paktën 15 ditë para datës së zgjedhjeve përkatëse, informon UCI dhe UEC për natyrën e zgjedhjeve që priten të mbahen (p.sh. numrin e anëtarëve që do të zgjidhen, kohëzgjatjen e mandateve, arsyen e zhvillimit të zgjedhjeve, etj.) dhe siguron për UCI dhe UEC një kopje të Rregullores në fuqi dhe, nëse është e zbatueshme, çdo rregullore dhe udhëzim tjetër zgjedhor.
6. Në qoftë se nuk parashikohet ndryshe në Statutin dhe rregulloret e FÇK, anëtarët e organeve përkatëse të FÇK do të vijojnë të ushtrojnë funksionet e tyre deri në përfundimin e procesit zgjedhor. Mandatet përkatëse të organeve të sapo zgjedhura fillojnë pas përfundimit të Kuvendit nëpërmjet së cilës ata zgjidhen.

PËRFAQËSIMI NË KUVEND

NENI 3

PËRFAQËSIMI

1 Klubet sigurojnë përfaqësimin në kuvend me numrin e delegatëve ashtu siç e pareshe statuti i FÇK Neni 23

Në rast se Komisioni i Verifikimit e korrekton numrin e delegatëve për klubet bazuar në Nenin 23 të Statutit, atëherë Komisioni i Verifikimit do të përshtatë kriteret e mësipërme duke ruajtur raportin midis 5 (katër) kriteret.

2 Shpenzimet e udhëtimit të delegatëve dhe/ose shpenzimet e akomodimit mbulohen nga klubet.

III. RREGULLAT DHE PROCEDURAT E KUVENDIT

NENI 4 DREJTUESI I KUVENDIT

1. Kuvendi drejtohet nga Kryetari i FÇK. Në rast të mungesës së tij, Kuvendi drejtohet nga nënkryetari. Nëse edhe ky i fundit nuk mund të marrë pjesë, Kuvendi cakton një anëtar të Bordit të FÇK. Gjatë zgjedhjes së Kryetarit, nënkryetari dhe anëtarëve të tjerë të Bordit, Kuvendin e kryeson Kryetari i Komisionit të Verifikimit së bashku me sekretarin.

2. Drejtuesi i Kuvendit siguron që të ndiqen rregullat e procedurave. Ai është kompetent për çeljen dhe mbylljen e punimeve të Kuvendit. Ai procedon sipas rendit të ditës dhe i jep fjalën delegatëve dhe/ose të ftuarve.

3. Drejtuesi mban rregull në Asamble. Ai mund të marrë masat e mëposhtme kundrejt pjesëmarrësve që ndërpresin procedurat:

- a) kërkon vendosjen e qetësisë;
- b) qorton;
- c) përjashton nga Kuvendit.

NENI 5 RENDI I DITËS

1 Rendi i ditës miratohet në fillim të Kuvendit.

2 Rendi i ditës i një Kuvendit të Zakonshëm mund të ndryshohet në çdo moment gjatë Kuvendit, me kusht që dy të tretat e delegatëve të pranishëm në Kuvend, dhe me të drejtë vote, të bien dakord për këtë mocion. Rendi i ditës i një Kuvendit të Jashtë Zakonshëm nuk mund të ndryshohet.

3 Kuvendit nuk mund të marrë në konsideratë një propozim për të ndryshuar Statutin nëse nuk përfshihet si pikë diskutimi në rendin e ditës të dërguar me njoftimin e Kuvendit.

Neni 6

Diskutimi

1. Çdo pikë e rendit të ditës prezantohet me një raport të shkurtër:
 - a) Nga Drejtuesi ose një anëtar i Bordit të FÇK;
 - b) Nga një përfaqësues i caktuar për këtë qëllim nga një Komision;
 - c) Nga Anëtari i cili e ka përfshirë çështjen në fjalë në rendin e ditës.
- 2 .Kjo pikë hapet më pas për diskutim të përgjithshëm.

NENI 7

LEJA PËR TË MARRË FJALËN

- 1 Delegatëve u jepet leja për të marrë fjalën sipas radhës që është bërë kërkesa. Një folës nuk mund ta marrë fjalën nëse nuk i është dhënë leja për ta bërë këtë. Folësi flet nga vendi i përcaktuar për këtë qëllim.
- 2 Një folësi mund t'i jepet fjala për herë të dytë për të njëjtën çështje vetë kur të gjithë Delegatët e tjerë që kanë kërkuar të marrin fjalën kanë pasur një mundësi për të folur për çështjen në fjalë.
- 3 Drejtuesi mund të caktojë një afat kohor për folësit.

NENI 8

MOCION PËR ÇËSHTJE PROCEDURALE

- 1.Një mocion për çështje procedurale trajtohet menjëherë. Çdo diskutim tjetër pezullohet menjëherë.
2. Nëse miratohet një mocion për çështje procedurale, u jepet fjala vetëm Delegatëve, të cilët e kanë kërkuar bëjnë mocionin para votimit.
3. Drejtuesi vendos kur do të mbyllë diskutimin, përveç nëse më shumë se gjysma e Anëtarëve me anëtarësi të drejtpërdrejtë të pranishëm dhe me të drejtë vote, votojnë për të kundërtën.

NENI 9

MOCIONET, MOCIONET PËR NDRYSHIMIN E PIKAVE TË RENDIT DHE MOCIONET PËR FSHIRJEN E PIKAVE TË RENDIT

Të gjitha mocionet, mocionet për ndryshimin dhe fshirjen e pikave të rendit të ditës bëhen me shkrim.

NENI 10 VOTIMI

- 1 Votimi është i hapur, përveç nëse vendoset ndryshe nga Kuvendi.
- 2 Votimi bëhet duke ngritur dorën (kartën e votimit) ose me anë të një numërimi elektronik.
- 3 Nëse votimi bëhet me apel, Sekretari i Kuvendit numëron votat dhe vërteton rezultatin.
- 4 Askush nuk detyrohet të votojë.
- 5 Para çdo votimi, Drejtuesi, ose një person i caktuar prej tij për këtë qëllim, lexon propozimin dhe i shpjegon Kuvendit procedurën e votimit.
- 6 Propozimet normalisht votohen sipas radhës në të cilën vendosen në diskutim.
- 7 Një propozim për të ndryshuar një amandamentimit të propozuar votohet përpara këtij amandamentimit. Një amendament i propozuar votohet përpara propozimit fillestar.
- 8 Propozimet që nuk kundërshtohen do të konsiderohen të miratuara.
- 9 Drejtuesi bindet dhe shpall rezultatin e votimit, nëse është e nevojshme pasi Sekretari i Kuvendit vërteton rezultatet.
- 10 Askujt nuk mund t'i jepet fjala gjatë votimit ose derisa të shpallet rezultati i një vote.

NENI 11 MBAJTJA E SEANCËS NË MËNYRË PUBLIKE

- 1 Bordi mund të vendosë ta mbajë Kuvendin publikisht.
- 2 Media mund të ftohen të marrin pjesë në Kuvend.

NENI 12 RRETHANA TË JASHTËZAKONSHËM

- 1 Në rast të forcave madhore ose rrethanave të jashtë Zakonshëm, Bordi i mund të vendosë ta mbajë Kuvendit përmes video-konferencës ose ndonjë mjeti tjetër të ngjashëm të komunikimit që lejon që delegatët të shohin dhe dëgjojnë njëri tjetrin njëkohësisht. Në këtë rast, Komisioni i Verifikimit zbaton një sistem elektronik të votimit (i) duke garantuar që, kur është e zbatueshme, të respektohet fshehtësia e votës dhe e zgjedhjeve dhe (ii) të zëvendësojë rregullat për fletët e votimit, siç përcaktohet me këtë Rregullore.
- 2 Nënshkrimet elektronike pranohen gjatë Kuvendit të mbajtura virtualisht.

IV.
KOMISIONI I VERIFIKIMIT
NENI 13
PARIMET E PËRGJITHSHËM

1 Komisioni i Verifikimit:

- a) vendos numrin e delegatëve të klubeve të Çiklizmit ;
- b) mbikëqyr Kuvendin;
- c) organizon dhe mbikëqyr procesin zgjedhor; dhe
- d) kryen kontrole të integritetit, në përputhje me dispozitat përkatëse të Statutit dhe kësaj Rregulloreje.

2 Anëtarët e Komisionit të Verifikimit nuk mund të jenë anëtarë të ndonjë organi tjetër të F FÇK dhe nuk mund të mbajnë ndonjë pozicion ekzekutiv në ndonjë organ qeveritar. Anëtarët e Komisionit të Verifi FÇK për sa kohë që ata janë ende nën mandat si anëtarë.

3 Anëtarët e Komisionit të Verifikimit tërhiqen menjëherë nga çështja në proces dhe kufizohen nga marrja e ndonjë vendimi nëse:

- a) Ata janë pjesëtar të rrethit të ngushtë familjar i njërit prej kandidatëve që garojnë për ndonjë nga pozicionet që do të plotësohen;
- b) Kur ekziston një rrezik ose mundësi e një konflikti interesi siç përcaktohet në Kodin Disiplinës dhe të Etikës të FÇK

4 Në rast se një anëtar i Komisionit të Verifikimit nuk plotëson ndonjë nga kërkesat e mësipërme dhe/ose duhet të tërhiqet nga pozicioni si anëtar i Komisionit të Verifikimit për ndonjë arsye, ai zëvendësohet në përputhje me dispozitat e parashikuara në Nenin 4 paragrafi 3 i këtyre Rregulloreve.

5 Anëtarët e Komisionit të Verifikimit emërohen nga Kuvendi, në përputhje me dispozitat e Statutit të FÇK -së, për një mandat prej 4 (katër) vjetësh.

6 Asnjë anëtar i Komisionit të Verifikimit nuk do të shërbejë për më shumë se dy mandate, qoftë dy mandate të njëpasnjëshme ose jo.

7 Anëtarët e Komisionit të Verifikimit veprojnë me mirëbesim në çdo kohë dhe veprojnë me paanshmëri të theksuar kur kryejnë detyrat e tyre.

NENI 14 PËRBËRJA

1 Komisioni i Verifikimit ka përbërjen e mëposhtme:

a) një kryetar; dhe dy anëtarë.

2 Kuvendi emëron gjithashtu numrin e duhur të zëvendësuesve.

3 Nëse kryetari mungon ose nuk është i disponueshëm, zëvendëskryetari vepron në cilësi të tij, dhe nëse edhe ai mungon ose nuk është i disponueshëm, atëherë një anëtar i zakonshëm vepron si zëvendësues në cilësinë e tyre. Çdo anëtar i zakonshëm që mungon ose është i padisponueshëm do të zëvendësohet nga një zëvendësues.

4 Kryetari emëron një nga anëtarët e Komisionit të Verifikimit si sekretar, i cili do të jetë përgjegjës për çështjet përkatëse logjistike dhe administrative. Ai mund të thërrasë sekretarinë e Përgjithshëm për ta ndihmuar atë në përmbushjen e detyrave të tij.

5 Kryetari i Komisionit të Verifikimit duhet të jetë i kualifikuar për të ushtruar profesionin e tij.

NENI 15 DETYRAT E KOMISIONIT TË VERIFIKIMIT

Komisioni i Verifikimit është përgjegjës për caktimin e delegatëve të Klubeve, mbikëqyrjen e Kuvendit, organizimin dhe mbikëqyrjen e zgjedhjeve që do të zhvillohen gjatë Kuvendit. Në veçanti, Komisioni i Verifikimit është përgjegjës për:

- a) zbatimin në mënyrë rigoroze të Statutit dhe rregulloret e FÇK, si edhe të kësaj Rregulloreje;
- b) FÇK siguron që çdo rregullore dhe udhëzim zgjedhor i organeve në varësi të saj është në përputhje me dispozitat e Statuteve dhe këtyre Rregulloreve si dhe me Statutin, rregulloret, direktivat dhe vendimet e FÇK -s.
- c) zbatimin me përpikëri të afateve ligjore të zgjedhjeve;
- d) sigurimin e informacionit për anëtarët ,sidomos duke mbajtur një konferencë mediatike (kur është e nevojshme);
- e) kur është e nevojshme, menaxhimin e marrëdhënieve me autoritetet përkatëse qeveritare;
- f) procedurën e kandidimit (fillimi, shpërndarja e informacionit, vlerësimi, publikimi i listës zyrtare, etj.);
- g) përcaktimin dhe rregullimin e numrit të delegatëve të ndihmuar nga sekretariati i përgjithshëm, në përputhje me Statutin dhe Kjo Rregullore;

- h) verifikimin e identitetit të votuesve (delegatëve) dhe kompetencat e tyre të përfaqësimit;
- i) monitorimin e procedurave zgjedhore dhe të votimit, duke përfshirë marrjen e çdo vendimi në lidhje me vlefshmërinë ose pavlefshmërinë e fletëve të votimit, miratimin e një vendimi përfundimtar për çdo çështje që ka të bëjë me procedurën zgjedhore gjatë Kuvendit Zgjedhore dhe vërtetimin e rezultateve zyrtare;
- j) kryerjen e kontrolleve në lidhje me përmbushjen e kriterëve të përzgjedhjes, pavarësisë dhe kërkesave të integritetit të përcaktuara në Statut.
- k) çdo dhe të gjitha detyrat e tjera për të siguruar mbarëvajtjen e procesit zgjedhor.

NENI 16

MBLEDHJET, KUORUMI DHE VENDIMET

- 1 Kryetari thërret mbledhjet e Komisionit të Verifikimit. Vetëm një Komision i Verifikimit i organizuar në mënyrën e duhur ka autoritetin për të gjykuar dhe për të marrë vendime.
- 2 Komisioni i Verifikimit nuk mund të mbajë një mbledhje të vlefshme përveç nëse një shumicë (më shumë se 50%) e anëtarëve të tij është e pranishme.
- 3 Komisioni i Verifikimit do të marrë vendimet e tij me shumicën (më shumë se 50%) të votave të vlefshme të hedhura. Abstenimet nuk lejohet. Nuk lejohet votimi me prokurë ose me korrespondencë. Në rast barazimi të votave, kryetari gëzon të drejtën e votës vendimtare.
- 4 Vendimet e marra regjistrohen në procesverbalin e nënshkruar nga kryetari dhe nga sekretari i Komisionit të Verifikimit.

V. KANDIDATURAT

NENI 17

KRITERET E PËRZGJEDHJES

- 1 Kriteret e përzgjedhjes për pozicionet që duhet të plotësohen brenda organeve përkatëse të FÇK janë të parashikuara në dispozitat përkatëse të Statutit të FÇK.
- 2 Komisioni i Verifikimit nuk do të vendosë ndonjë kriter të përzgjedhjes që nuk parashikohet në Statutin ose ndonjë kriter tjetër zyrtar që nuk parashikohet në Statut ose në këtë Rregullore. Komisioni i Verifikimit do të kërkojë vetëm dokumentet që ndihmojnë të përcaktohet nëse kriteret përkatëse të përzgjedhjes janë përmbushur.

3 Komisioni i Verifikimit publikon listën e plotë të kriterëve të përzgjedhjes (duke iu referuar dispozitave përkatëse të Statuti, si dhe dokumenteve që do të paraqiten për secilin nga pozicionet brenda afateve të parashikuara në Statutin e FÇK -së.

NENI 18

PARAQITJA DHE SHQYRTIMI I KANDIDATURAVE PËR BORD

- 1 Asnjë tarifë ose pagesë e çfarëdo lloji nuk do të kërkohet nga asnjë prej kandidatëve në asnjë moment gjatë gjithë procedurës zgjedhore, përveç rasteve kur janë miratuar më parë nga Kuvendit. Në çdo rast, çdo tarifë ose pagesë e rënë dakord do të jetë në nivele të arsyeshme dhe do të shërbejë vetëm për të mbuluar kostot e shpenzimeve përkatëse administrative.
- 2 Kandidaturat për cilindo nga pozicionet e Bord dërgohen te sekretari i Përgjithshëm të paktën 14 ditë para organizimit të Kuvendit zgjedhore. Kandidaturat e marra nga sekretari i përgjithshëm i dërgohen menjëherë sekretarit të Komisionit të Verifikimit për kontrollet përkatëse të përzgjedhjes dhe integritetit të cilat do të kryhen sipas Shtojcës A të Statutit.
3. Brenda 3 (tre) ditëve nga afati i fundit për dorëzimin e kandidaturave, Komisioni i Verifikimit informon me shkrim ata kandidatë që nuk kanë arritur të japin të gjitha dokumentet përkatëse në mbështetje të kandidaturave të tyre dhe u jep atyre dy (2) ditë të tjera për të përfunduar aplikimet. Nëse kandidatët përkatës nuk arrijnë të plotësojnë aplikimet brenda afatit të përcaktuar, kandidaturat e tyre deklarohen të pavlefshme. Ky paragraf nuk zbatohet për shprehjet e mbështetjes të parashikuara në Nenin 32 i Statutit, të cilat duhet të paraqiten brenda afatit të fundit për dorëzimin e kandidaturave për Bord.
4. Kandidaturat për Bord shqyrtohen nga Komisioni i Verifikimit brenda pesë (5) ditëve nga marrja e plotë të aplikimit dhe kandidatët informohen për vendimin e Komisionit të Verifikimit brenda kësaj periudhe.

NENI 19

PROCEDURA E ANKIMIT PËR KANDIDATËT PËR NË BORDIN E FÇK

- 1 Ankimet kundër vendimeve të Komisionit të Verifikimit mund të paraqiten vetëm në Komisionin e Apelit, duke përjashtuar kështu mundësinë e apelit të vendimeve të përmendura para çdo organi tjetër, veçanërisht një organi qeveritar.
- 2 Çdo ankim, i arsyetuar dërgohet me postë të regjistruar, ose dorëzohet në këmbim të konfirmimit të marrjes, në Sekretarit të Përgjithshëm brenda 2 (dy) ditëve nga marrja e

vendimit të Komisionit të Verifikimit. Ankimet e marra nga sekretariati i përgjithshëm u dërgohen menjëherë anëtarëve të Komisionit të Apelit.

3 Komisioni i Apelit mund të vendosë të pranojë prova dhe dokumente të reja që nuk janë ofruar nga kandidati përkatës së bashku me kandidaturën fillestare.

4 Ankimi shqyrtohet nga Komisioni i Apelit brenda dy ditëve nga marrja e tyre dhe u komunikohen aplikaknteve brenda kësaj periudhe.

5 Ankimet pranohen, rrëzohen ose deklarohen të papranueshme nga Komisioni i Apelit. Në rast se ankimi miratohet, Komisioni i Apelit merr një vendim duke zëvendësuar vendimin e Komisionit të Verifikimit.

6 Vendimet e Komisionit të Apelit janë përfundimtare dhe të detyrueshme për t'u zbatuar.

NENI 20

PROCEDURA PËR KANDIDATËT PËR ORGANET E TJERA TË FDTRK-SË

1 Kandidaturat për pozicionet e kryetarëve, nënkryetarëve dhe anëtarëve të komisioneve të pavarura, (d.m.th. Komisioni i Mbikëqyrës, Komisioni i Verifikimit) dërgohen nga Bordi pranë Sekretarit të Përgjithshëm të paktën 7 (shtatë) ditë përpara Kuvendit përkatës zgjedhore. Kandidaturat e marra nga Sekretari i Përgjithshëm i dërgohen menjëherë Komisionit të Verifikimit për të kryer kontrollet përkatëse të përzgjedhjes, pavarësisë dhe integritetit (kur është e nevojshme).

2 Brenda 5 (pesë) ditëve nga marrja e kandidaturave, Komisioni i Verifikimit i konfirmon sekretarit të Përgjithshëm nëse janë përmbushur kërkesat për pozicionet përkatëse. Në rast se një ose më shumë kandidatë nuk mund të konsiderohen të përshtatshëm, Bordi propozon kandidatë shtesë për pozicionet përkatëse.

NENI 21

LISTA ZYRTARE E KANDIDATËVE

Lista zyrtare e kandidatëve bëhet publike në Kuvendin e FÇK -së.

IV. PROCEDURA E VOTIMIT

NENI 22

FLETËT E VOTIMIT

1 Sekretari i përgjithshëm prodhon fletët e votimit nën mbikëqyrjen e Komisionit të Verifikimit. Fletët e votimit printohen të qarta dhe të lexueshme. Fletët e votimit mund të jenë në formën e një liste të kandidatëve për zgjedhjet që zhvillohen në bllok.

2 Fletët e votimit janë me ngjyra të ndryshme për secilin raund të zgjedhjeve.

NENI 23

KUTIA E VOTIMIT

1 Para fillimit të procedurës së votimit, kutia e votimit, e cila është transparente nëse është e mundur, hapet dhe u paraqitet delegatëve të Kuvendit. Kutia e votimit mbyllet dhe vendoset në një vend të dukshëm afër anëtarëve të Komisionit të Verifikimit.

2 Gjatë gjithë procesit të votimit, kutia monitorohet nga një prej anëtarëve të Komisionit të Verifikimit.

NENI 24

HEDHJA E VOTAVE

1 Para se delegatëve t'u kërkohet të votojnë, kryetari i Komisionit të Verifikimit shpjegon hollësisht procedurën zgjedhore (kutinë e votimit, fletët e votimit, fletët e vlefshme dhe të pavlefshme të votimit, numërimin, shumicat e kërkuara, rezultatet, etj) dhe iu referohet dispozitave statutores përkatëse.

2 Zgjedhjet e Kryetarit, nënkryetarit dhe anëtarëve të mbetur të Bordit zhvillohen si më poshtë:

a) Kryetari i Komisionit të Verifikimit thërret me radhë secilin delegat të pranishëm dhe me të drejtë vote që të shkojë në pjesën e përparme të sallës së Kuvendit ku zhvillohen zgjedhjet.

b) Pasi të thirret, i deleguari përkatës shkon në pjesën e përparme të sallës së Kuvendit dhe, pasi nënshkruan vërtetimin e fletës së votimit, merr fletën e votimit.

c) Delegati më pas plotëson fletën e tij të votimit në kabinën e votimit të caktuar për këtë qëllim. Kabina e votimit vendoset në një vend të dukshëm, por gjithsesi lejon që i deleguari të votojë në mënyrë të fshehtë. Asnjë celular, kamerë ose ndonjë pajisje tjetër regjistruese nuk lejohet në kabinën e votimit; dhe

d) Më pas delegati depoziton fletën e votimit në kutinë e votimit, nënshkruan regjistrin zgjedhor dhe kthehet në vendin e tij.

3 Zgjedhjet e kandidatëve të organeve të tjera të FÇK -së zhvillohen dhe mbikëqyret nga afër nga një anëtar i Komisionit të Verifikimit.

4 Procedura e numërimit fillon sapo të gjithë delegatët të kenë depozituar fletët e votimit në kutinë e votimit ose në kutinë e lëvizshme të votimit. Një anëtar i Komisionit të Verifikimit hap kutinë e votimit/kutinë e lëvizshme të votimit dhe nxjerr fletët e votimit para të gjithë delegatëve.

5 Më pas fillon numërim.

VII. NUMËRIMI

NENI 25

PARIMET E PËRGJITHSHËM

1 Vetëm Sekretaritet dhe Komisioni I Verifikimit marrin pjesë në numërimin e fletëve të votimit. Të gjitha veprimet (hapja e kutisë së votimit, numërimi i fletëve të votimit, numërimi i votave, etj.) kryhen në mënyrë të tillë që të ndiqet qartë nga të gjithë delegatët e Kuvendit.

2 Në rast të një mosmarrëveshjeje në lidhje me vlefshmërinë ose pavlefshmërinë e një fletë votimi ose të një vote, hartimin e procesverbalit, deklarimin e rezultateve ose ndonjë çështje tjetër në lidhje me procedurën e numërimit, vendimi i Komisionit të Verifikimit është përfundimtar.

NENI 26

FLETËT E PAVLEFSHME TË VOTIMIT

1 Fletët e votimit si më poshtë konsiderohen të pavlefshme:

- a) fletët e votimit që nuk përmbajnë shenjat dalluese zyrtare të përcaktuara nga Komisioni i Verifikimit;
- b) fletët e votimit që përmbajnë ndonjë fjalë tjetër përveç emrave të kandidatëve;
- c) fletët e votimit të palexueshme ose të dëmtuara;
- d) fletët e votimit që mbajnë shenja identifikuese.

2 Kryetari i Komisionit të Verifikimit shkruan në pjesën e pasme të çdo flete votimi të pavlefshme arsyen e pavlefshmërisë së fletës dhe e konfirmon me një nënshkrim.

NENI 27

GABIMET DREJTSHKRIMORE

Gabimet drejtshkrimore shkaktojnë pavlefshmërinë e një flete të vetme votimi nëse për shkak të tyre, nuk është e mundur të identifikohet ndonjë nga kandidatët zyrtarë.

NENI 28

NUMËRIMI DHE SHPALLJA E REZULTATIT

1 Pasi të jetë hapur kutia e votimit, anëtarët e Komisionit të Verifikimit do të numërojnë numrin e fletëve të votimit dhe do të verifikojnë vlefshmërinë e tyre. Nëse numri i fletëve të votimit është i barabartë ose më i vogël se numri i fletëve të votimit të lëshuara, votimi do të konsiderohet i vlefshëm. Nëse tejkalohej numri i fletëve të votimit të lëshuara, votimi shpallet i pavlefshëm dhe do të përsëritet menjëherë në përputhje me procedurën e përshkruar më sipër.

2 Pasi të jetë verifikuar numri i fletëve të votimit, Sekretari dhe Komisioni I Verifikimit vazhdojnë të numërojnë numrin e votave të hedhura për secilin kandidat ose listë.

3 Nëse kërkohet një raund i dytë (ose pasardhës) votimi, procedura e votimit përsëritet në përputhje me nenet e mësipërme. Delegatët gjithashtu duhet të informohen për dispozitat ligjore që zbatohen për raundet e dyta (dhe pasuese) të votimit (p.sh. çdo ndryshim në shumicën e kërkuar, eliminimin e kandidatëve, etj.).

4 Pas çdo raundi të zgjedhjeve, kryetari i Komisionit të Verifikimit u deklaron Anëtarëve me anëtarësi të drejtpërdrejtë rezultatet zyrtare.

5 Sekretari i Përgjithshëm vendos fletët e votimit të mbledhura dhe të numëruara në zarfe të destinuara për këtë qëllim. Zarfet nënshkruhen nga kryetari i Komisionit të Verifikimit dhe vulosen. Sekretariati i përgjithshëm i mban këto zarfe dhe i shkatërron 90 ditë pas Kuvendit.

VIII. DISPOZITA PËRFUNDIMTARE

NENI 29

ARKIVIMI I DOKUMENTEVE DHE KONFIDENCIALITETI

1 Komisioni i Verifikimit dhe Komisioni i Apelit i dorëzon të gjitha dokumentet zyrtare, si dhe të gjitha dokumentet që u janë ofruar gjatë procesit zgjedhor te sekretari i përgjithshëm, i cili është përgjegjës për arkivimin e tyre.

2 Anëtarët e Komisionit të Verifikimit dhe të Komisionit të Apelit ruajnë konfidencialitetin dhe sekretin në lidhje me çdo informacion dhe dokument të vënë në dispozicion të tyre gjatë rrjedhës së procesit zgjedhor. Ky detyrim mbetet në fuqi për një periudhë të pacaktuar pas procesit përkatës zgjedhor. Për më tepër, ata nuk mbajnë asnjë dokument (elektronik ose tjetër) që u është dhënë gjatë procesit zgjedhor.

NENI 30

ÇËSHTJET E PAPARASHIKUARA NË KËTË RREGULLORE

1 Të gjitha çështjet në lidhje me organizimin teknik dhe administrativ të Kuvendit që nuk mbulohen nga Kjo Rregullore ose nga Statutin dhe rregulloret e FÇK -së, rregullohen nga Komisioni i Verifikimit, vendimi i të cilit është përfundimtar.

NENI 31

HYRJA NË FUQI

Kjo Rregullore u miratuan në Kuvendit e mbajtur në Prishtinë më datë 19.11.2022 dhe hyn në fuqi më datë 19.11.2022.

Prishtinë më 19.11.2022

Për Federatën e Çiklizmit të Kosovës

Kryetari

Avni Nuha